

Robby Solognier lo diseña e stage pa Festival di Buki pa Mucha



ORANJESTAD (AAN): Tur aña Biblioteca Nacional Aruba ta trece apertura di su Festival di Buki pa Mucha den forma di un celebracion. Esaki cu un show espectacular presenta pa muchanan di school cu musica, teatro, canto y baile. Coleganan di dept Audiovisual ta encarga cu audio y filmamento di e produccion y demas trabao nan audiovisual. Nan ta produci un videoclip pa promocion y e aña aki tambe nan a traha e podium.

Pa cada tema un colega artista ta diseña un lomba di stage special den cuadro di e tema di biblioteca su Festival. Robert (Robby) Solognier ta e artista cu pa hopi aña caba ta diseña e lomba di e stage pa e ocasion special aki. Cada biaha Robby ta logra crea un ambiente teatral atractivo pa e show. E imahen nan cu Robby ta pinta ta conta un storia. E aña aki nos ta mira amigo y amiga di tur color. Robby Solognier ta traha riba paneelnan grandi cu verf di acryl y ta usa e tecnica di airbrush.

Ademas di e lomba di stage Robby a diseña un

background y algun dibuho riba foam y pa e exposicion den hal di biblioteca. E exposicion aki tambe ta den cuadro di festival di buki pa mucha.

Prome Minister Evelyn Wever-Croes Cumbre entre lidernan di paisnan di Reino



ORANJESTAD (AAN): Diabierna mainta na Sint Maarten a tuma luga un cumbre entre lidernan di paisnan di Reino. Esnan presente tabata di Boneiro, Gobernador Edison Rijna; di Corsow, Prome Minister Eugene Rhuggenaath; di Sint Maarten, Prome Minister Leona Marlin; di Sint Eustatius, Gobernador suplente Mervyn Stegers; y di Aruba, Prome Minister Evelyn Wever-Croes. Saba na e ocasion aki no por tabata presente. Sint Maarten actualmente tin e presidencia di OCTA. E meta di e cumbre tabata pa yega na mas cooperacion entre e islanan di Reino. E tema principal di e encuentro tabata OCTA: e paisnan den Caribe cu ta pertenece na Reino Hulandes y e areglonan cu OCTA tin pa cu Union Europeo. Tin varios proyectonan di cooperacion cu paisnan miembro di OCTA por probecha pa logra cu e fondonan di Union Europeo.



Un di e temanan riba e tereno di cooperacion cu a keda wordo ripiti den e encuentro tabata con e islanan por ta miho prepara y yuda otro den caso di desasternan natural manera huracan. Palabracionnan a wordo haci y lo sigui atende cu e tema aki den e grupo aki. Paisnan di Reino den Caribe lo keda estrecha lazo y coopera cu otro pa cualkier eventualidad.

Pasco ta den porta.
Bo kier verf y drecha bo cas
pa fin di aña?
Acudi serca nos
y
keda cla rapido!
FCCA E tienda di vivienda